

四庫全書

經部

欽定四庫全書

古經解鈎沈卷十四

長洲余蕭客撰

禮記四

樂記

下

以歌南風

南風育養民之詩也王注

其舞行綴遠

遠以象民行之勞同

其舞行綴短

近以象民行之逸同

並史記注
二十四

大章

按五行鉤命決云伏羲樂為立基神農樂為下謀祝

融樂為祝續熊疏

校宋疏
四十八

章明也民樂堯德大明

故名樂曰大明皇疏

通鑑音注
四十七

咸池備矣

黃帝樂所以為咸池者何咸皆也施也黃帝時道皆

施於民五經通義

初學記十五

包容浸潤行化皆然故

曰備矣王注

史記注二十四

夏

受命而王者六樂焉以大一樂天以咸池樂地以肆

夏樂人以大夏樂四時以大濩樂五行神明以大武

樂六律各象其性分而為之制以樂其先祖五經通

義

疏文類聚四十一

以法治也

作樂所以法其治行也王注

善則行象德矣

君行善即臣下之行皆象君之德同

並史記注
二十四

粗厲猛起奮末廣賁之音作

粗厲亢厲猛起發揚奮末浸疾廣賁廣大之也王注

勁經正

經法也孫注

肉好

古音之洪美

王注

並史記注
二十四

言音之洪潤同

史記
索隱

八

滌濫之音作

滌放濫濫僭差也同

以繩德厚

繩法也法其德厚薄也同

律大小之稱

作樂器大小稱十二律孫注

廣則容姦

其音廣大則容姦偽王注

狹則思欲

其狹者使人思利欲也同

並史記注
二十四

從以蕭管

簫編竹為之長尺有五寸五經通義

初學記
十六

奮至德之光

天地之道也

孫注

動四時之和

四時之化也

同

以著萬物之理

著猶誠也

同

並史記
索隱八

清明象天廣大象地終始象四時周還象風雨

清明廣大終始周旋皆樂之節奏容儀發動也

王注

史記注

二十四

五色成文而不亂

五色者五行之音謂宮商角徵羽之聲和合成文不

亂也而云五色因五行之色別廣以明義也

崔氏

校宋

疏四十八

八風從律而不姦

八風者八卦之風八風以時至則陰陽變化之道成

萬物各以時育生之

五經通義

後漢書注
六十一

百度得數而有常

至樂之極能使然耳

王注

三步以見方

舞武樂三步為一節者以見伐道也同

奮疾而不拔

舞雖奮疾而不失節若樹木得疾風而不拔同

獨樂其志不厭其道

樂能使仁人獨樂其志不厭倦其道也同

並史記注
二十四

樂音嶽庾音

釋文
十三

樂樂其所自生

作樂者緣民所樂於已之德若舜之民樂其紹堯也

周之民樂其伐紂而作韶武也

孫注

而禮反其所自始

制禮者本已所由得民心殷尚質周尚文是也同

並史

記注二

十四

不殛

殛音溢

范音

釋文十三

則樂之道歸焉耳

樂和陰陽故歸此也

孫注

樂師辨乎聲詩

但能別聲詩不知其義故北面而弦

王注

治亂以相

整其亂行節之以相

孫注

並史記注
二十四

相輔相也

王

注

釋文

十三

訊疾以雅

赴敵迅疾趨之以雅

孫注

姦聲以濫

姦聲淫使人不能自止

王注

及優侏儒

俳優短人也同

燕女

燕女歡悅

趨數

音促速而數變也

孫注

並史記注
二十四

控

乾主立冬陰陽終始故聖人象天以制杙形法使死

者不恨生者不怨樂記圖

御覽五百
八十二

鏗以立號

鐘聲高故以立號

王注

石聲磬

磬

磬聲果勁同

並史記注
二十四

鐘聲為兌石聲為乾

崔氏

絲聲哀

絲聲為離同

並校宋疏
四十九

竹聲濫

濫會諸音王注

史記注
二十四

竹聲為震崔氏

鼓鼙之聲謹

鼓鞀為坎同

並校宋疏
四十九

夫武之備戒之已久

班固作漢書高帝四年作武德之樂又云高帝廟中

奏武德文始註云舜之韶舞名秦始皇二十六年改名五行舞註云五行本周舞高帝六年改名文始五行之舞案此知有改樂之法也任預禮論條牒禮書二十發揚蹈厲之已蚤

厲疾也備戒已久至其發作又疾也王注

及時事也

欲令之事各及時同

致右憲左

右膝至地左膝去地也同

聲淫及商

聲深淫貪商同

非武音也

言武王不獲已為天下除殘非貪商同

則既聞命矣

聞命謂言是孫注

夫樂者象成者也

象成而為樂

王注

總干而山立

總持干盾山立不動

同

大公之志也

志在鷹揚

同

武亂皆坐

武亂武之治也皆坐以象安民無事也

同

而南

誅紂已而南同

而南國是疆

有南國以為疆界同

而分周公左召公右

分陝東西而治同

復綴以崇

以象尊崇天子同

並史記注
二十四

以象尊崇天地同

初學

記十
五

天子夾振之而駟伐

振威武也四伐者伐四方與紂同惡者一擊一刺為

一伐也同

分夾而進事蚤濟也

分部而並進者欲事早成同

建橐

所以能橐弓矢而不用者將率之士力也故建以為

諸侯謂之建橐也同

而郊射

郊有學宮可以習禮也同

通史記注
二十四

左射獬首

獬之取物則伏下其頭然後必得言射亦必中如獬

之取物矣舊解

校宋疏
四十九

則易直子諒之心

易平易直正直子諒愛信也王注

故德輝

德輝明惠也孫注

理發諸外

理言行也同

故禮主其減謙

謙自謙損也王注

樂主其盈

盈充氣志也同

禮減而進

禮自減損所以修德進業同

樂盈而反

樂充氣志而反本也同

並史記法二十四

反謂曲終還更

始也孫注

史記索隱八

故禮有報

報謂禮尚往來以勸進之同

因學紀開五

以進為報

王注

史記法

二十四

雜記上

寡君不祿

聞人通漢問云記曰君赴於佗國之君曰不祿夫
人曰寡小君不祿大夫士或言卒死皆不能明戴
聖對曰君死未葬曰不祿既葬曰薨又問尸服卒
者之上服士曰不祿言卒何也聖又曰夫尸者所
以象神也其言卒而不言不祿者通貴賤尸之義
也通漢對曰尸象神也故服其服士曰不祿諱辭
也孝子諱死曰卒石渠禮議

通典八
十三

布衰

以三升半布為衰長六寸廣四寸綴於衣前當胸上

後又有負版長一尺六寸廣四寸

皇疏

校宋疏
五十

不反服

所適尊卑同反服舊君

王注

通典
九十

雜記下

祥因其故服

玄衣黃裳

戴德喪服變除

鄭玄注
十二

王父母兄弟世父叔父姑姊妹子與父同諱

王父母之兄弟伯父叔父姑姊妹皆父之所諱也

王注

與從祖昆弟同名則諱

同名同從祖昆弟所諱之名也從祖昆弟之父小功

之親也於禮不諱妻名重則諱之同

並通典一百四

已雖小功既卒哭可以冠

已大功卒哭可以冠

孫注 通典五十六

正月日至可以有事於上帝

正者冬至之日祭昊天上帝於圜丘諸侯不祭天外

傳

御覽五百
二十七

喪大記

復

人之精氣曰魂形體謂之魄合陰陽二氣而生也形
勞則神逝死則難復生也孝子之心不能忍也故升
屋而招其魂神也神智無涯也鬼者復於上也氣絕
而收其神使反復於體也外傳

御覽五百
四十九

皆升自東榮

榮音營

鄭衆

宋本庫經
音辨三

劉音

影宋本釋
文十三

始卒

始弔朝玄端之服也皮弁經素弁而加環經也始死而往朝服者主人未變賓未可以變也賀循喪服要

記

御覽五百
六十一

祭法

禘黃帝

禘者祭名禘者帝也事尊明禘故曰禘盧注

舊唐書二十一

禘者諦也同

冊府元龜五百九十

燔柴於泰壇

凡祭天神各有二玉一以禮神一則燔之禮神者訖

事却收祀神者與牲俱燎義宗

舊唐書百六十四

埋少牢於泰昭祭時也

王莽時劉歆孔昭以為易震巽等六子之卦為六宗

漢武即位依虞書禋於六宗禮用大社至魏明帝時

詔令王肅議六宗取家語宰我問六宗孔子所宗者

六埋少牢於大昭祭時相近於坎壇祭寒暑王宮祭

日夜明祭月幽縈祭星雩縈祭水旱禮論

周禮疏十八

尚書禋於六宗禋有三義禋者煙也潔也精也禋者

燔柴升煙於天以氣聞達潔取淨潔以表無穢之理

精者取祭者精懃之意六宗之神先儒所釋義各不

同義雖不同亦各有通孔光劉歆謂六宗者乾坤

之六子取水火雷風川澤能生萬物故禋祀以報謂

之六宗馬昭難云凡八卦者所以生育萬物若祭卦便
因祭八卦豈但祭六明非六卦也意謂劉孔之意所
以但六者以子不能成父之業故生物之功由於六
子合據成功而報故舍乾坤而不祭也 鄭云宗者
星辰司中司命風師雨師此謂六宗也王肅難云星
則五緯之星合為一位辰則十二月之會次又合為
一位名實不相副也司中司命文昌第五第四星而
別為兩位文昌之星獨分為二五緯之星所主各異

合而為一於義不安尋鄭本意以五星十二次各共成功故各合為一司中司命所司有一不共成功故分為二王肅六宗亦以四時共成歲功得合為之一宗鄭以十二次五星各共成歲則何以不得各合為一王此難無通義也義宗

山堂考索前集三十五

祭寒暑也

祭六宗之禮寒暑有往來之期可退則祭禳却之命退應至而不至則祭求之命至故春則送寒而迎暑

秋則送暑而迎寒義宗

宋本御覽十八

祭日也

王者所以因郊祭日月星辰風伯雨師山川何以爲
皆有功於民故祭之也皆天地之則神從官也緣天
地之意亦欲及之故歲一祭之禮日出於南門外禮
月四瀆於北門外禮山川丘陵於西門外禮風伯雨
師於東門外禮各即其位也以示明之其祭之奈何
乎曰祭日者懸祭月者毀祭風者明祭雨者布祭山

川者沈各象其貌也五經通義

御覽五百二十九

遠廟為祧

將祧而去之故曰祧五經異義

御覽五百二十九

有二祧

謂文武盧植說文

校宋疏十七

祧者五世六世之祖王

注 宋書五十五

去祧為壇去壇為墠

皆藏於祖廟五經異義

御覽五百二十九

享嘗乃止

諸侯立五廟又兩廟降於天子不月祭也王肅

大夫立三廟

天子之大夫盧注

曰王考廟

大夫無祖考廟唯別子為宗者有祖考廟然有祖考

廟者無皇考廟也王肅

官師

中下士也同

並通典
四十八

大社

天子大社王社諸侯國社侯社制度奈何曰社皆有

垣無屋樹其中以木有木者土主生萬物萬物莫善

於木故樹木也五經通義

魏書五十五
北史四十二

五經通議

冊府元龜
五百八十

有木者主土生萬物五經通義

通志百
五十

社者五土之神也稷者百穀之神也天子為天下

之人立社為太社壇方五丈諸侯為境內之民立社

曰國社地之勢有禮生物各隨所宜九州之人各居其土食有利者各報祭之籍田之後則告五穀五穀既登又報功也國以民為大人以食為大故建國君民先命立社也地廣穀多不可徧祭故於國城之內立壇祭之貌之也日用甲尊之也惟天子祭天地諸侯社稷而已外傳

王社

籍田中為千畝報功也五經通義

並御覽五百三十二

置社

州長職曰以歲時祭祀州社是二千五百家為社也

駁五經異義

校宋疏
五十五

今之里社是也

王注

宋書
十七

中雷

七祀中之五門戶竈行中雷即勾芒等五官之神配

食者勾芒食於水祝融食於火該食於金修及玄冥

食於水勾龍食於土

馬融注
通典五
十一

泰厲

如周杜伯鬼有所歸乃不為厲

王注

宋書十七

如周社

同傳咸表
晉書十九

故祀以為稷

稷壇在社西俱北鄉並列同營共門任預禮論條牒

孝經
疏二

祭義

天子為籍千畝

天子籍田千畝孟冬啟蟄既郊之後率公卿大夫而

親耕焉所以先百姓而致孝敬

五經通義

親文類聚
三十九

籍蹈也言親自蹈履於田而耕之

五經要義

後漢書注

二

籍者借也天子耕千畝但三推發耒三岱而止

借民力治之所耕之穀藏之神倉以供事天地宗廟
神祇人鬼之用也天子以身先天下以建寅之日而
郊郊而後耕郊用辛日而耕用亥日享先農而後籍

田外傳

御覽五百
三十七

祀乎明堂

祭用純漆俎瓦樽文於郊質於廟止一獻周捨禮疑

義

北史
六十

右社稷而左宗廟

文家右社稷左宗廟何文家握地而王地道長久得
事宗廟以有社稷故右之也質家左社稷右宗廟社

皆有壇者飾也五經通義

御覽五百
三十二

祭統

出田邑

月令所記非一王之制凡稱古者無遠近之限未知
夏封諸侯何代之典秋祭田邑夏乎殷乎而王據月
令以非祭統鄭宗祭統而疑月令無乃俱未通哉莫
若通以三代說兩氏而不俱一也

東晉五經通論

通典

七十

孔子閒居

天降時雨

雨者輔時生養均遍故謂之雨禮統

宋本御覽十

山川出雲

雲者運氣布恩普也

同 統文類聚一

坊記

故堂上觀乎室

祭祀之時在堂上者觀望在室之人以取法沈重義

疏 校宋疏
五十九

不下漁色

疏 闕
文

漁色謂漁人取魚中網者皆取之譬如取美色

中意者皆取之若漁人求魚故云漁色諸侯當外取
不得下向國中取卿大夫士之女

婦人疾問之不問其疾

疏闕文

謂不問其疾所委曲若問其委曲嫌似媚故不

丁寧但問增損而已

恐事之違也

疏闕文

謂恐此女人於昏事乖違

並校宋五十九

中庸

鮮能知味也

張華辨酢師曠知薪符郎為青州刺史善能知味食

雞知棲半露食鷺知其黑白失名異義

校宋疏六十

追王大王王季

太王王季之父也美大故號之王季文王之父也太王實始翦商王季綏和文王懷保王業所興故追王

也三妣亦同尊其號

盧注

通典七十二

所以序昭穆也

祭有昭穆所以別父子遠近長幼親疎之序而無亂

也禮統

山堂考索前集二十九

或生而知之

生而知之者上也問曰孰生而知之乎答曰聖人二儀既判懸象列暉八風有序四氣錯御覽日月而達陰陽之數消搖八節俯仰玄黃彌綸天地之體窮竟有生之機瞻天為師用醒己心故曰生知不亦審乎

五經鈎沈

初學記十七

斯昭昭之多

疏闕

昭昭狹小之貌

校宋六十

一卷石之多

卷音權

李軌音

釋文十四

苦遠切

范宜音

影宋本集韻五

貨財殖焉

注誤

皆合少成多自小致大

校宋注疏本注六十

純亦不已

疏誤

此一節明至誠不已則能從微至著從小至大

禮儀三百

疏闕

周禮有三百六十官

威儀三千

疏闕

卽儀禮行事之威儀

故曰苟不至德至道不凝焉

疏闕

古語先有其文今夫子既言三百三千待其賢

人始行故引古語證之苟誠也不非也苟誠非至德

之人則聖人至極之道不可成也俗本不作非也

並校

宋六

十

故君子尊德性

疏開文

此一經明君子欲行聖人之道當須勤學前經

明聖人性之至誠此經明賢人學而至誠也 尊敬

此聖人道德之性自然至誠也

校宋六十一

表記

先王諡以尊名

有德則諡善無德則諡惡故雖君臣可同五經通義

晉書
二十

諡者死後之稱累生時之行而諡之生有善

行死有善諡所以勸善戒惡也諡之言列其所行身

雖死名常存故謂諡也同

疏文類
衆四十

緇衣

公孫尼子所作劉瓛

釋文
十四

問喪

當室則免而杖矣

童子當室謂年十五以上若世子生則杖故曾子問

云子衰杖成子禮是也戴德

校宋疏
五十二

服問

如外宗之為君也

外宗外女之嫁於卿大夫者也為君服周

王

注

通典八
十一

間傳

期而小祥

小祥中衣黃為裏縗為領袖緣縗者紅之多黃者也

葛洪喪服變除

祥者吉也故衰裳無負版及心前

哀
崔凱

要經不除

去首經同

又期而大祥

二十五月大祥祭主人夕為期朝服縞冠訖祭而受
以布深衣十五升外無哭者謂哀至入即位而哭也

杜預喪服要集

並通典
八十七

有事其縗無事其布曰總

凡言有事其縷者先加灰錫治其麻縷為布則不治

外傳 御覽五百四十七

投壺

矢以柘若棘毋去其皮

矢大七分或言去其皮節舊說

校宋注疏本注六十五

或以

棘取無節同

注疏本注五十八

疏脫字

此亦正篇之後記者

之言也

校宋本六十五

儒行

疏誤字

儒者濡也以先王之道能濡其身

校宋十六

儒有席上之珍以待聘

注誤字

席猶鋪陳也鋪陳往古堯舜之善道以待見問

也大問曰聘

校宋注疏本注六十六

大學

明堂靈臺辟雍大學同實異名盧注

半弘義四十九

隋書通志

百六十

學制有二一云制與明堂同體五室四堂在

一基之上四方堂則以其方名學中央堂謂之大學

二云凡三學之法有四郊及國中在東郊曰東學並

方名之在國中謂之大學

崔靈恩

通典五十三

聽訟吾猶人也必也使無訟乎無情者不得盡其辭大

畏民志

疏誤字

聽訟吾猶人也必也使無訟乎者是夫子之辭

無情者不得盡其辭大畏民志是記者釋夫子無訟之事然能使無訟則是異於人也而云吾猶人者謂聽之時備兩造吾聽與人無殊故云吾猶人也但用

意精誠求其情偽所以使無訟也

此謂知本

疏誤字

意為行本既精誠其意是曉知其本

並校宋六十七

人之其所親愛而辟焉之其所賤惡而辟焉之其所畏敬而辟焉之其所哀矜而辟焉之其所教惰而辟焉

校宋

注疏本

六十七

注時謂觀射父昭奚恤也

疏闕文

知有觀射父昭奚恤者案戰國義云楚王築壇

昭奚恤等立於壇上楚王指之謂秦使曰此寡人之寶故知有昭奚恤等也謂賢為寶者案史記云引之者證為君長能保愛善人為寶也

若有一个臣斷斷兮

疏闊
文

此秦穆公誓辭云羣臣若有一耿介之臣斷斷

然誠實專一謹慤兮是語辭古文尚書為猗言有一介之臣其心斷斷猗猗然專一

孟獻子曰

疏闕文

此一經明治國家不可務於積財若務於積財
即是小人之行非君上之道

不畜聚斂之臣

疏闕文

言卿大夫之家不畜聚斂之臣使賦稅什一之
外徵求采邑之物也故論語云百乘之家是也

寧有盜臣

疏誤字

以盜臣但害財聚斂之臣則害義也

並校宋六十七

冠義

冠者禮之始也

冠嘉禮也冠者首服既加而後人道備故君子重之

以為禮之始矣

五經要義 政和五禮新儀十一

玄端

疏誤

玄端上士則玄裳

校宋六十八

昏義

和於室人

注誤

室人謂女姑女叔

校宋注疏本 注六十八

鄉飲酒義

聖也

疏誤字

聖之言生也以生物言之則謂之聖

校宋六十八

射義

故天子之大射

疏誤字

畿外諸侯以下賓射其侯無文約大射諸侯既

同天子張三侯則賓射亦同天子用五正三正二正

之侯其鄉大夫射亦用三正二正之侯

校宋六十九

喪服四制

三月而沐

小祥祭則櫛稍自飾

雀凱
通典八十七



古經解鈎沈卷十四

欽定四庫全書

經部

古經解鈎沈卷十五

詳校官監察御史臣施朝幹

刑部郎中臣許弘椿覆勘

總校官原任中允臣王燕緒

校對官中書臣郭晉

謄錄監生臣張選唐

欽定四庫全書

古經解鈎沈卷十五

長洲余蕭客撰

春秋左傳一

春秋

序孔子覽史記就是非之公素王之法

賈逵序

宋本疏一

書稱晷三百六旬有六日以閏月定四時成歲允

釐百工庶績咸熙是以天子必置日官諸侯必置日

御世修其業以考其術舉全數而言故曰六日其實
五日四分之一日日行一度而月日行十三度十九
分度之有畸日官當會集此之遲疾以考成晦朔錯
綜以設閏月閏月無中氣而北斗邪指兩辰之間所
以異於他月也積此以相通四時八節無違乃得成
歲其微密至矣得其精微以合天道事敘而不悖故
傳曰閏以正時時以作事事以厚生生民之道於是
乎在然陰陽之運隨動而差差而不已遂與歷錯故

仲尼丘明每於朔閏發文蓋矯正得失因以宣明歷數也桓十七年日食得朔而史闕其日單書朔僖十五年日食而史闕朔與日故傳因其得失並起時史之謬兼以明其餘日食或歷失其正也莊二十五年經書六月辛未朔日有食之鼓用牲於社周之六月夏之四月所謂正陽之月也而時歷誤實是七月之朔非六月故傳云非常也唯正月之朔慝未作日有食之於是乎有用幣於社伐鼓於朝此非用幣伐鼓

常月因變而起歷誤也文十五年經文皆同而更復發傳曰非禮明前傳欲以審正陽之月後傳發例欲以明諸侯之禮也此乃聖賢之微旨先儒所未喻也昭十七年夏六月日有食之而平子言非正陽之月以誣一朝近於指鹿為馬故傳曰不君君且因以明此月為得天正也劉子駿造三統歷以修春秋春秋日食有甲乙者三十四而三統歷唯一食歷術比諸家既最疎又六千餘歲輒益一日凡歲當累日為次

而無故益之此不可行之甚者班固前代名儒而謂之最密非徒班固也自古以來諸論春秋者多迷謬諸或造家術或用黃帝以來諸歷以推經傳朔日皆不得諧合日食於朔此乃天驗經傳又書其朔日可謂得天而劉賈諸儒說皆以為月二日或三日公違聖人明文其蔽在於守一元不與天消息也余感春秋之事嘗著歷論極言歷之通理其大指曰天行不息日月星辰各運其舍皆動物也物動則不一雖行

度大量可得而限累日為月以新故相序不得不有毫毛之差此自然理也故春秋日有頻月而食者曠年不食者理不得一而算守恒數故歷無不有差失也始失於毫毛而尚未可覺積而成多以失弦聖朔晦則不得不改憲以從之書所謂欽若昊天歷象日月星辰易所謂治歷明時言當順天以求合非為合以驗天者也推此論之春秋二百餘年其治歷變通多矣雖數術絕滅還尋經傳微旨大量可知時之違

謬則經傳有驗學者固當曲循經傳月日日之食以
考朔晦也以推時驗而皆不然各據其學以推春秋
此無異度已之迹而欲削他人之足也余為厯論之
後至咸寧中善算李修夏顯依論體為術名乾度厯
表上朝廷其術合日行四分之數而微增月行用三
百歲改憲之意二元相推七十餘歲承以強弱強弱
之差蓋少而適足以遠通盈縮時尚書及史官以乾
度與太始厯參校古今記注乾度厯殊勝今其術具

存時又并考古今十歷以驗春秋知三統歷之最疏也今具列其時得失之數又據經傳微旨證據及失閏旨考日辰朔晦以相發明為經傳長歷諸經傳證據及失閏時文字謬誤皆甄發之雖未必其得天蓋春秋當時之歷也學者覽焉杜預長歷注補後漢書二如

周官有調人私怨之官劉兆調人序

六經與論序

惜乎

微言久絕通儒不作遺文所存三傳而已傳已互失經旨注又不盡傳意春秋之義幾乎泯滅唯聖作則

譬如泉源苟涉其流無不善利在人賢者得其深者
其次得其淺者若文義隱密是虛設大訓誰能通之
故春秋之文簡易如天地焉其理著明如日月焉但
先儒各守一傳不肯相通互相彈射仇讐不若詭辭
迂說附會本學鱗雜米聚難見易滯益令後人不識
宗本因注迷經因疏迷注黨於所習其俗若此老氏
曰大道甚夷而人好徑信矣故知三傳分流其源則
同擇善而從且過半矣歸乎允當亦何常師今公羊

穀梁二傳殆絕習左氏者皆遺經存傳談其事迹翫其文彩如覽史籍不復知有春秋微旨嗚呼買櫝還珠豈足怪哉余輒考覈三傳舍短取長又集前賢注釋亦以愚意裨補闕漏商榷得失研精宣暢期於浹洽尼父之志庶幾可見疑殆則闕以俟君子謂之春秋集傳集注又撮其綱目撰為統例三卷以輔集傳通經意焉所以剪除荆棘平易道路令趨孔門之士方軌康衢免涉於險難也

啖助集傳集注序

陸淳集傳纂例

解春秋者國史所記人君動作之事左史所記為

春秋右史所記為尚書鄭玄六藝論

公羊疏一

春秋者

救時之弊革禮之薄何以明之前志曰夏政忠忠之
弊野殷人承之以敬敬之弊鬼周人承之以文文之
弊僊救僊莫若以忠復當從夏政夫文者忠之末也
設教於本其弊猶末設教於末弊將若何武王周公
承殷之弊不得已而用之周公既沒莫知改作故其
類弊甚於二代以至東周王綱廢絕人倫大壞夫子

傷之曰虞夏之道寡怨於民殷周之道不勝其弊又
曰後代雖有作者虞帝不可及已蓋言唐虞淳化難
行於季末夏之忠道當變而致焉是故春秋以權輔
正以誠斷禮正以忠道原情為本不拘浮名不尚狷
介從宜救亂因時黜陟或貴非禮勿動或貴貞而不
諒進退抑揚去華居實故曰救周之弊革禮之薄也
古人曰殷變夏周變殷春秋變周又言三王之道如
循環太史公亦言聞諸董生曰春秋上明三王之道

公羊亦言樂堯舜之道以俟後聖是知春秋參用二

帝三王之法以夏為本不全守周典禮必然矣啖集

傳 春秋因史制經以明王道其指大要二端而已

興常典也著權制也故凡郊廟喪紀朝聘蒐狩昏取
皆違禮則譏之是興常典也非常之事典禮所不及
則裁之聖心以定褒貶所以窮精理也精理者非權
無以及之故曰可與適道未可與立可與立未可與

權是以游夏之徒不能贊一辭趙匡集傳

並纂
例一

三傳

先儒以春秋之有三傳若天之有三光劉軻三傳指

要序

玉海
四十

左傳

序故錯舉以為所記之名也

春貴陽之始秋取陰之初賀道養春秋序法

宋本
疏一

舊史遺文

附正疏
誤字

言遺者舊史已沒策書遺留

宋本
一

此蓋春秋新意

分變例新意以為二事劉寔春秋序注

宋本疏一

則西周之美可尋

附補疏
闕文

成王雖暫至洛邑還歸鎬京及幽王滅於西

周平王東遷洛邑因謂洛邑為東周謂鎬京為西周

宋本
一

隱公

諡法云隱拂不成曰隱杜預釋例

呂祖謙春秋集解一

幽厲

雖衰雅未為風逮平王之東人習餘化苟有善惡當
以周法正之故斷自平王之季以隱公為始所以拯
薄勉善救周之弊革禮之失啖助春秋統例
白孔六帖
八十八
傳以聲子

聲子之謚非禮也服虔注

通典一
百四

為魯夫人

有文在手為魯疑不得若此劉炫

廣川書
跋二

是以隱公立而奉之

隱公攝立為君奉桓為太子鄭衆春秋條例 隱立

桓為太子奉以為君賈逵解詁

並宋本疏二

附正注誤字 隱

公繼室之子當嗣世

宋注疏本注二

元年 經春王正月

公羊以魯隱公為受命王黜周為二王後名不正則言不順言不順則事不成今隱公人臣而虛稱以王周天子見在上而黜公侯是非臣名而言順也如此何以笑子路率爾何以為忠信何以為事上何以誨

人何以為法何以全身賈逵左氏傳義

公羊疏一

春秋

所以重一統者四海九州同風共貫正王道之大範也
廼以月次正正次王王次春春次年年次元斯五
者編年紀事之綱領也故書王以統之在乎尊天子
卑諸侯正升黜垂勸懲作一王法為萬代規俾其禮
樂征伐不專於諸侯也故用隱之元統平之春存平
之正得不書乎王歟苟曰周書始命之王則二年復
書何王必不然也平王明矣斯公羊之短左氏穀梁

得其實矣

陳岳春秋折衷

山堂考索續集十二

公及邾儀父

名重於字故君父之前自名朋友之接自字杜例

宋本

疏二

儀父亦名也魯季孫行父晉荀林父亦以父為

名趙集傳

陸淳春秋集傳辨疑一

鄭伯

鄭姬姓周厲王子宣王母弟桓公友之後也杜預春

秋世族譜

宋本疏一

周厲王母弟桓公友之後同

宋庠國語

補音

三

幽王無道友徙其人於虢鄆之間遂有其地

同

通鑑音
注一

克段於鄆

若云鄭段出奔則鄭伯但有逐弟之名而無殺弟之

志啖集傳

陸淳春秋集傳微旨上

鄆當作鄆鄭地也在緱氏

縣西南至十一年乃屬周左氏曰王取鄆劉為邦之
田於鄭是也傳寫誤為鄆字杜注云今潁川鄆陵誤
甚矣按從京至鄆非遠又是鄭地段所以有兵衆故

曰克若遠走至鄢陵已出境則無復兵衆何得云克

又傳曰自鄢出奔共卽自鄢過河向共城為便路若

已南行至鄢陵即不當奔共也

趙集傳

辨疑

一

注

鄭在滎陽宛陵縣西南

疏闕文

河南郡有宛陵縣又有新鄭縣於漢則宛陵新

鄭各自為縣

宋本二

天王

畿內稱王諸夏稱天王賈逵春秋三家經訓詁

穀梁疏十三

來歸惠公仲子之賵

仲子惠公之母啖集傳辨疑

惠公仲子聖辭也盧

全春秋摘微

文獻通考
百八十二

傳不書即位

魯十二公國史盡書即位仲尼修之乃有所不書顏

氏春秋

疏

穎容釋例

宋本
疏二

恩深不忍則傳言不稱

恩淺可忍則傳言不書劉歆

賈逵

穎容

並宋本
疏二

制

鄭地

京相璠春秋土地名

水經注
二十二

請京

京鄭都邑

賈逵

史記注
四十二

過百雉

百雉為長三百丈方五百步古春秋左氏說

朱校宋本
禮記疏五

九十

雉長三丈

馬融春秋三家同異

王肅注

並宋本疏

二

韓詩說五堵為雉

左氏說三堵為雉一雉之

牆長三丈

五經異義

宋本疏二

古周禮說天子城高七

雉隅高九雉公之城高五雉隅高七雉侯伯之城高

三雉隅高五雉都城之城高皆如子男之城高

同周禮

疏四十一

或云周亦九里城則公七里侯伯五里子男

三里駁五經異義

同上

天子之城高九仞公侯七仞

伯五仞子男三仞五經異義

初學記二十四

出奔共

共國名賈逵

於城賴

鄭城同

並史記注
四十二

不及黃泉

天玄地黃泉注地中故曰黃泉

服虔

史記注
二十八

為潁谷封人

潁谷鄭地

賈逵

史記注
四十二

士踰月

士禮三月而葬今左氏云踰月於義左氏為短膏肓

禮人君之喪殯葬皆數來月來日士殯葬皆數死

月死日尊卑相下之差數故士大夫俱三月其實不

同藏膏肓

並朱校宋本
禮記疏十二

改葬惠公

改備禮也賈逵

公弗臨

葬嗣君之事公弗臨言無恩禮曰改葬總也同

葬故有闕

言是以禮闕故同

並御覽五
百五十三

二
年經莒人入向

克內曰入陸希聲春秋通例

鄭人伐衛

聲罪致討曰伐

同並程端學春秋本義一

三年經宋公和卒

凡諸侯同盟名於載書朝會名於要約聘告名於簡牘故於卒赴可知而紀也非此則否示詳慎也趙集

傳

纂例
三

盟於石門

石門齊地今濟北廬縣故城西南六十里有故石門

去水三百步京相璠春秋土地名

水經注八

傳為平王卿士

卿士之有事者六卿也賈逵

王子狐

周平王之子同

取溫之麥

溫周地名蘇氏邑也同

並御覽四百八十

潢汙

不洩謂之汙服虔

文選注四十五

得臣之妹

得臣齊世子名居東宮同

詩疏三之二

石碣

衛上卿賈逵

史記注三十七

四
年
經
遇
於
清

今濟北東阿東北四十里有故清亭即春秋所謂清

者也土地名

水經注八

會宋公陳侯蔡人衛人伐鄭

衛使宋為主使大夫將故叙衛於陳蔡下服虔

詩疏二之一

於濮

濮陳地賈逵

史記索隱十一

服虔

史記注三十七

傳將修先君之怨於鄭

隱二年鄭人伐衛是也同

以除君害

公子馮將為君之害同

並詩疏
二之一

阻兵

疏闕
文

阻訓恃也

宋本
三

以賦

賦兵也以田賦出兵故謂之賦服虔

詩疏二
之一

使右宰醜

右宰醜衛大夫同

史記注
三十七

五年經於棠

棠魯地陳魚而觀之賈逵

史記注
三十三

棠在魯部內云

本宋地蓋魯宋之界上也

杜例
集解
二

衛師入城

東郡廩丘縣南三十里有故郕都土地名

水經注
二十四

考仲子之宮

考者成室之名趙集傳

辨疑
十

傳天子用八

天子八八服注

諸侯用六

諸侯六八同

大夫四

大夫四八同

士二

士二八同
並宋書
十九

而行八風

按樂緯云坎主冬至樂用管艮主立春樂用塤震主
春分樂用鼓巽主立夏樂用笙離主夏至樂用絃坤主
立秋樂用磬兌主秋分樂用鐘乾主立冬樂用柷啟
此八方之音沈文阿義疏
宋本疏三

叔父

諸侯稱同姓大夫長曰伯父少曰叔父服注詩疏九

七年經滕侯卒

滕國春秋後七世為秦所滅 滕自叔繻以下至公

丘二十一世

釋例 程復心 孟
子年譜

八年經遇於垂

今濟陰句陽縣小城陽東五里有故垂亭土地名

水經

注二
十四

傳注近許之田

別有許邑邑自名許非由近許國始名為許劉炫規

杜疏四 宋本

傳先配而後祖

祖祖道之祭應先為祖道然後配合今乃先為配合而後乃為祖道之祭鄭立注大夫以上無問舅姑

在否皆三月見祖廟之後乃始成昏故譏鄭公子忽

先為配匹乃見祖廟賈逵

服虔

並未校宋本禮記疏二十六

因生以賜姓

炎帝姓姜太皞之所賜也黃帝姓姬炎帝之所賜也

故堯賜伯夷姓曰姜賜禹姓曰姁賜契姓曰子賜稷

姓曰姬著在書傳駁五經異義

通鑑音注二百四十七

九年經於防

注闕

在琅邪華縣東南

宋注疏本注四

諸侯以字

公之母弟則以長幼為氏貴適統伯仲叔季是也庶

公子則以配氏為字尊公族展氏臧氏是也服虔

宋本疏四

十一年經十有一年

十盈則更始以奇從盈數故言有也干寶函義

宋本疏四

公薨

周公歸政就臣位乃死何得記崩隱公見死於君位

不稱薨云何箴膏

朱校宋本禮記疏四十一

傳爭長

先登授玉服注

儀禮疏十

周之宗盟

宗盟尊盟

賈逵路史前紀法八

同宗之盟服虔

宗伯屬

官掌作盟詛之載辭故曰宗盟孫毓義注

同宗之

盟則無與異姓何論先後孫毓賈服異同畧

並宋本疏四

異姓為後

若王官之伯主盟則異姓為後其餘則否也杜例

宋校

宋本禮

記疏七

於邾

今滎陽東四十里有故釐城土地名

向

或云河內軹西有地名向今無杜例

並水經注七

河內

軹西有向而無城疑為蘇田土地名

路史國名紀甲

隤

河內修武縣北有故隤城實中今世俗謂之皮垣方
四百步實中高八丈際陂北隔水一十五里俗所謂
蘭丘也方二百步西一十里又有一丘際山世謂之
勅丘形狀相類疑即古攢茅也

水經
注九

使營菟裘

菟裘魯邑營菟裘以作宮室欲居之以終老也

服虔

鍾巫

祭名也賈逵

館於寫氏

館舍也寫氏魯大夫服虔

並史記注
三十三

桓公

元年傳宋華父督

戴公之孫服虔

目逆

目者極視睛不轉也同

並史記注
三十八

美而艷

古者大夫皆乘車其妻固當乘之不可在路而見其貌蓋以舊言孔父義形於色故誤以為女色之色也

啖集傳

孫覺春秋經解一

二
年經取部大鼎於宋

部鼎之名猶如和氏之璧封父之繁弱之類啖集傳

辨疑

二

傳十一戰

一戰鄭圍其東門二戰取其禾三戰取邾四戰邾鄭
伐宋入其郛五戰伐鄭圍長葛六戰鄭以王命伐宋
七戰魯敗宋師於菅八戰宋衛入鄭九戰伐戴十戰
鄭入宋十一戰鄭伯以虢師大敗宋賈逵

史記注
三十八

是以清廟

肅然清靜謂之清廟

同詩疏十
九之一

大路

總名也如今駕駟高車矣尊卑俱乘之其朱飾有差

服虔

注補後漢書二十九

越席

結括草以為席同 不緣也

王肅並史記注二十三

鞶厲

鞶大帶

服氏朱校宋本禮記疏三十八

錫鸞和鈴

鸞在鑣和在衡同

史記注二十三

三辰旂旗

三辰謂日月星旂旗九旂之總名同

儀禮疏十

遷九鼎於雒邑

今河南有鼎中觀同

書疏十五

師服

晉大夫賈逵

史記注三十九

士有隸子弟

士卑自以其子弟為僕隸 祿不足以宗是其有

隸子弟也

服注儀禮疏十三

侵陘庭之田

陘庭翼南鄙邑名賈逵

史記注
三十九

年三經公子翬如齊逆女

公子翬公子遂叔孫僑如為君逆夫人皆以非禮書

翬遂公子而行婚禮尤不可也啖集傳

纂例
二

傳韓萬

曲沃桓叔之子莊伯弟賈逵

史記注
三十九

晉為大夫以

韓為氏服虔

詩疏十
八之四

四年經公狩於郎

四時之田其事各殊其名亦異春以閱武擇材故以蒐為稱夏以為苗除害故以苗為名秋則順天時以殺物故以獮為義冬則狩禽獸以習獸故以狩為目以為微事不謹則大事不立故每慎於微而王德全矣趙集傳

鄭玉春秋經傳闕疑三

傳書時禮也

疏誤以時合禮知地非禮也

宋本六

五年經春正月甲戌

甲戌下當記陳佗作亂之事今傳脫之趙集傳

辨疑二

齊侯鄭伯如紀

自此適彼曰如

蔡人衛人陳人

言人者時陳亂無君則三國皆大夫也故稱人服虔

詩疏三之三

大雩

言大雩者別於山川之雩賈逵

穀梁疏三

夏祭天名也

雩遠也遠為百穀求膏雨也服注

注補復漢書五

傳檐動而鼓

檐發石車也失名說

宋本御覽三百三十七

啟蟄而郊

一說郊祀天祈農事雩祭山川而祈雨也服注

注補後漢

書五

魯祭天以孟月祭宗廟以仲月

同朱校宋本禮記疏十八

龍見而雩

龍角亢也謂四月昏龍星體見萬物始盛待雨而大

故雩祭以求雨也同

注補後漢書五

六年經大閱

簡車馬於廟也

賈注

公羊疏四

子同生

不稱太子者書始生

賈注

朱校宋本禮記疏二十六

莊公生當

乙亥之歲建申之月春秋長歷

通典一百五

傳侵隨

隨姬姓

賈注

史記注四十

接以太牢

接者子初生接見於父服虔

御覽百四十六

公問名於申繻

申繻魯大夫

賈逵

史記注
三十三

宋以武公廢司空

武公名司空廢為司城

服虔注

朱校宋本禮
記疏十四

古經解鈎沈卷十五

欽定四庫全書

古經解鈎沈卷十六

長洲余蕭客撰

春秋左傳二

桓公

下

七年傳名賤之也

傳曰要結外援好事鄰國以衛社稷又云服於有禮
社稷之衛穀鄧在南地屬衡岳以越棄彊楚遠朝惡

人卒至滅亡故書名以賤之杜駁論先儒自謂一準
丘明之傳今僻陋之語傳本無一文杜何所準馮知
其僻陋傳又稱莒之辭陋而經無貶文穀鄧僻陋何

以書名此杜義不通

衛冀隆難杜氏春秋

宋本疏七

八年經春正月己卯烝

案周禮四時之祭皆用四仲之月此正月則夏之仲
冬何為不得烝而云過時也又傳無過時之文明
知直為再烝而瀆也

秦道靜釋衛氏難杜

同前

凡郊祀各有其時苟得其時則國之常禮國之常禮則不書之於冊也夫所書者或忘其過時或刺其失禮皆非徒然故啟蟄則郊之時也龍見則雩之時也始殺則嘗之時也閉蟄則烝之時也周以建子為歲首夏以建寅為歲首夫啟蟄者則夏之春周之夏也龍見者則夏之夏周之秋也始殺者則夏之秋周之冬也閉蟄者則夏之冬周之春也春秋用周正以建子為歲首書正月烝則夏閉蟄而烝得其時矣既得

其時則是國之常禮其何以書之書之者為五月復
烝也五月復烝一則失其時二則失其禮正月烝正
也五月烝不正也書其正以譏其不正左氏謂非過
時而書得其旨公羊譏亟近之穀梁謂冬事春興遠
矣陳岳春秋折衷

山堂考索
續集十二

遂逆王后於紀

先儒爭此義鄭康成據毛詩義以文王親迎為證據
文王乃非天子不可為證考之大體固無自逆之道

問曰夫子對哀公云為天地社稷宗廟之主非謂天子乎答曰魯有郊天祀地之禮故云爾何得言天子

之禮乎趙集傳

纂例
二

九年經曹伯使其世子射姑來朝

桓公子莊公射姑服虔

御覽百
四十六

傳賓之以上卿禮也

曹伯有故使其太子攝而朝曲禮曰諸侯之嫡子攝其君未誓於天子則以皮帛繼子男諸侯之上卿之

禮也上卿出入三積食三牢一享一食宴之也同

初獻

初獻酒如獻爵

樂奏

樂奏人上堂也同

而歎

太子歎而哀樂也同

施父

魯大夫同

並

十一
年 經宋人執鄭祭仲

公羊祭仲之權是也若令臣子得行則閉君臣之道

賈逵長義

公羊
疏五

執大夫例稱人通例

鄭忽出奔衛

忽太子也兄也正也突公子也弟也非正也忽既立則祭仲之君以君臣之義顛則扶之危則持之力不足則死之又知突在宋非會非聘為宋所誘其無謀

甚矣往而被執不能死節歸立厲公折衷

並本義五

傳君多內寵

言庶子有寵者多服虔

宋雍氏

雍氏黃帝之孫姑姓之後為宋大夫賈遠

有寵於宋莊公

為宋正卿故曰有寵服虔

並史記注四十二

十四年經宋人以齊人蔡人衛人陳人伐鄭

不用我師而用彼師曰以趙集傳經解四

十五年經入於櫟

櫟鄭大都服虔

史記注四

傳雍糾

鄭大夫賈逵

史記注四十二

殺檀伯

檀伯鄭守櫟大夫服虔

水經注二十二

十六年傳構急于

構會其過惡同

使盜待諸莘

莘衛東地同

並詩疏
二之三

十七年經夏五月

若登臺而不視朔則書時不書月若視朔而不登臺則書月不書時若雖無事視朔登臺則空書時月賈注

服注

並朱校宋本禮
記疏六十一

葬蔡桓侯

桓卒而季歸無臣子之辭也蔡侯無子以弟承位羣

臣無廢主社稷不乏祀故傳稱蔡人嘉之非貶所也

杞伯稱子傳為三發蔡侯有貶傳亦宜說史書謬誤

疑有闕文

許淑注 宋本疏七

蔡子賢請諡於王王之策

書曰某侯夫子從而書之以譏當時之僭稱公者趙

集傳

陸淳集傳

莊孫覺經解四

蔡季自陳歸於蔡

蔡季義而後取非如當時之歸者或謀殺或奪正或

本非當立國人不順惟蔡季入繼之善美而字之陸

淳集傳 經解

四

傳天子有日官諸侯有日御

日官日御典厯數者也

服注

居卿

是居卿者使卿居其官以主之重厯數也

同並周禮疏二十六

十八年 傳通焉

傍淫曰通服虔

詩疏二之二

師於首止

首止近衛之地

同史記注
四十二

逆鄭子

鄭子昭公弟子儀也

同詩疏
四

而立王子克

莊王弟子儀

賈逵

辛伯

周大夫同

並史記
注四

莊公

元
年經夫人孫於齊

桓公之薨至是年三月期而小祥公憂思少殺念及於母以其罪重不可以反之故書孫於齊耳其實先在於齊本未歸也賈逵服虔盖魯桓公之喪自

齊來服虔

並詩疏
五之二

單伯送王姬

天子嫁女秦漢以來使三公主之故呼公主也李瑾

春秋指掌碎玉

高承事物紀原一

築王姬之館

聖人修述惟重其禮法得其宜則書以是之非其宜則書以刺之有循常而書者有變文而書者循常而書如戰伐災異之類是也變文而書如君氏卒大去其國之類是也循常而書者史冊之舊文也變文而書者聖人之新意也築於外是書莊公變禮得其宜聖人變文示其法也何天子之女下嫁於諸侯則同

於諸侯之禮而天子使姬伯遺王子於齊以魯為主
公與齊襄有不同天之讐文公方在諒闇不宜行吉
禮於廟以齊之強以王之尊大義難距廼築館於外
上不失尊周之儀中不失敬齊之體下不失居喪之
節左氏穀梁得其旨公羊之誤折衷

山堂考索
續集十二

王使榮叔來錫桓公命

春秋公羊穀梁說王使榮叔錫魯桓公命追錫死者
非禮也死者功可追而錫如有罪又可追而刑耶五

經異義

通典七
十二

齊師遷紀邢鄧邵

直取其地不取其民故云遷不云取

蘇寬義疏

宋本
疏八

傳文姜出故也

文姜通於兄齊襄與殺公而不反父殺母出隱痛深

諱服注

絕不為親

夫人有與殺桓之罪絕不為親得尊父之義善莊公

思大義絕有罪故曰禮也同

並魏書
八十八

四
年紀侯大去其國

失國而曰大去何也紀侯賢而無罪怙力者并之故
力不足者君子不咎之也不曰出奔所以護紀惡齊
也不書滅不絕其祀也趙集傳

微旨
下

傳除道梁澁

澁側嫁翻高貴鄉公音

釋文
十五

於漢汭

漢出武都沮縣經襄陽至江夏陽安縣入江杜例

讀詩紀二

六年經齊人來歸衛俘

疏脫字

寶或作係字與俘相似

宋本八

七年經星隕如雨

為奔流者衆如雨之多自漢已來史籍頻有詩曰有女如雲李陵曰謀臣如雨皆言多爾三傳不達此理

故悉穿鑿

啖集傳

辨疑三本義六

八年傳使連稱管至父

皆齊大夫賈逵

史記注
三十二

戊葵丘

齊西五十里有葵丘地

地名
水經注
二十六

瓜時

七月服虔

及瓜

謂後年瓜時同

在公宮

為妾在宮同

使間公

候公之間隙

王肅

齊侯游於姑棼

姑棼齊地賈逵

並史記注
三十二

遂田於貝丘

貝丘在博昌

土地名

水經注五

公子彭生也

公見彘從者乃見彭生鬼改形為豕也服虔

史記注
三十二

立而啼

啼呼也

同
宋本文
選注四

管夷吾

管仲穆王後杜例

路史後紀
注九下

虐於雍廩

雍林渠丘大夫賈逵

史記注
三十二

九年經戰於乾時

今樂安博昌縣南界有時水西通濟其上源出盤陽

北至高苑下有乾時中無水土地名

水經注
二十四

注

不稱公戰公敗諱之

敗績義在桓十年來戰論中明矣第評書及而已凡
公自伐曰公伐某國如莊九年公伐齊納子糾遣大
夫伐則曰某伐某國如隱二年無駭帥師入極是也
若公不與謀則曰會某師伐某國如桓十六年公會
宋書伐鄭公與謀則曰公及某師伐某國如宣四年

公及齊侯平莒及鄭莒人不肯公伐莒取向敗績第
曰及如雋二十二年及邾人戰於升陘或使微者不
列於春秋亦第曰及桓十七年及齊師戰於奚斯書
及者是敗績諱之明矣杜得其旨析衷

山堂考索
續集十二

浚洙

洙水在魯城北浚深之為齊備土地名

水經注
二十五

傳於生竇

生竇魯地句竇賈逵

史記索隱十

及堂阜

魯北境同

治於高侯

齊正卿高敬仲也同

並史記注
三十二

公使弔焉

問凶曰弔同

射南宮長萬

南宮氏萬名宋卿同

年十二傳於蒙澤

宋澤名也同

羣公子奔蕭公子御說奔毫

蕭毫宋邑

服虔

並史記注
三十八

毫在梁國蒙澤縣北薄

城中有湯冢凡三毫也

杜例

說文繫
傳十

使婦人飲之酒

宋萬多力勇不可執故先使婦人誘而飲之酒醉而

縛之服虔

皆醢之

醢肉醬

同

並史記注
三十八

十三
六 經齊人滅遂

隧在蛇丘東北十里土地名

水經注
二十四

冬公會齊侯盟

公穀以桓盟不書日謂齊桓公信著於諸侯桓盟皆
不日究其微旨殊不然春秋書內事或繫日或繫月
或繫時內事繫日如書卒葬嫁娶大灾異內事繫月

如書丞嘗雩望是也內事繫時如書蒐狩土功是也
外事第從赴告而已盟會外事也赴以日則書日斯
桓之盟不日者不赴以日也苟曰桓盟不日桓方伯
之際亦有書日者桓既卒之後復有不書日者方伯
之際書日則莊二十二年防之盟二十三年扈之盟
閔元年姑落之盟僖元年葵丘之盟是也既卒之後
不書日則僖二十八年溫之盟二十九年翟泉之盟
文二年垂隴之盟宣七年黑壤之盟成十八年虛打

之盟是也聊舉大者以明之則知盟會不以月為義

例定矣斯左氏得其實公穀皆誤折衷

小堂考索
續集十二

十四年傳及大陵

潁川臨潁縣東北二十五里有故臣陵亭古大陵也

土地名

水經注
二十二

十六年經會齊侯

左氏穀梁無公字闕文也折衷

十七年經鄭詹自齊逃來

凡言逃者皆謂義當留而竊去者也通例

並本義七

十八年經於濟西

濟水自鉅野至濟北地名

水經注八

傳有蜮為災也

短狐南方盛暑所生其狀如鼃古無今有含沙射入

人皮中其瘡如疥徧身漢漢蜮故曰災服虔

周禮疏三十四

二十一年傳樂及徧舞

徧舞皆舞六代之樂賈逵

史記注四

二十
年經肆大書

肆放也

啖集傳

辨疑

趙集傳

本義

及齊高傒盟於防

書高傒罪之也此言凡公與大夫盟但稱某人者言非其罪也齊恃霸王強使卿與公盟故特書之以示

譏趙集傳

微音上

公如齊納幣

凡婚姻合禮者皆不書啖集傳

纂例

傳羈旅之臣

羈寄旅客也賈逵

史記注
三十六

翹翹車乘

翹翹遠貌服虔

詩疏一
之三

使為工政

掌百工賈逵

史記注
三十二

臣卜其晝

臣享君必卜示敬慎也服虔

詩疏十
之一

有媯之後

舜居西域本曰媯汭

顏容釋例

御覽百六十八

五世其昌並於正卿

言完後五世與卿並列服虔

莫之與京

京大也

賈逵

遇觀之否

坤下巽上觀坤下乾上否同

並史記注三十六

觀爻在六

四變而之否

同漢上易叢說

在其子孫

疏闕文

或取爻象或取互體

宋本九

成子得政

君子之人當記其忠之善者劉炫義疏

宋本九

士薦

晉大夫賈逵

史記注三十九

二十
四年
經大夫宗婦覲

宗婦同姓大夫之婦同

詩疏九之二

二十五年經伯姬歸於杞

凡內女歸嫁為夫人則書但云歸而不云逆者知自

來逆常事不書啖集傳

纂例二

公子友如陳

庶弟不得稱弟而母弟得稱公子秦伯之弟鍼適晉

女叔齊曰秦公子必歸杜例

宋本疏九

傳嘉之故不名

凡升絀之體唯在爵氏名字而已朝聘之使苟循常禮無升絀名氏如衛侯使甯俞來聘苟有可嘉字以貴之如齊仲孫來雖天子之使苟可嘉亦嘉之可絀亦無所避如天王使南季來聘故字之宰咺歸故貶名之左謂結陳好嘉之得其旨折衷非常也

凡書灾異多矣大則日月之責小則水旱之灾夫陽正之月陰氣未作不宜侵陽苟月掩日則臣掩君之

象是以伐鼓用幣正陽既過則一陰生為災輕也故
日食不伐鼓用幣矣得禮之正也如水旱之災則國
之常不繫於君臣逆順故但書記其為灾而已斯伐
鼓用幣者譏非其常也左得其旨同

山堂考索
續集十二

鼓用牲於社

天子之國有泰社東方青南方赤西方白北方黑上
方黃故將封於東方者取青土封於南方者取赤土封
於西者取白土封於北者取黑土各取其方土裹以

白茅封以為社此始受封於天子者 此之謂主土

主土者立社以奉之也春秋大傳

通鑑音注
三十八

天子

社廣五丈諸侯半之春秋文義

政和五禮
新儀九

公子友如陳

庶弟不得稱弟而母弟得稱公子

杜例

宋本
疏九

傳非常也

感精符云立推度以正陽日食則鼓用牲於社朱絲
營社鳴鼓脅之左氏云用牲非常明左氏說非夫子

春秋於義為短膏育

用牲者不宜用春秋之通例

此識說正陽朱絲鳴鼓豈說用牲之義也識用牲於

社者取經完句耳箴膏育

並朱校宋本禮記疏五十五

乃城聚

聚晉邑賈逵

史記注三十九

二十八年經築郿

公羊傳謂之微在東平壽張縣西北三十里有故微

鄉魯邑也土地名

水經注八

微子國同

路史國名紀丁注

臧孫辰告糴於齊

無庭實也

服注

儀禮疏八

傳鄭人將奔桐丘

今圖無而桐丘城見存西南去許昌故城可三十五

里土地名

水經注二十五

三十
年經齊人降鄆

章紀遺邑

劉歆章句

路史國名紀甲

三十
二年經公薨於路寢

君必終於正寢以就公卿也大位奸之窺也危病邪之伺也若蔽於隱是使小人女子得行其志也趙集

傳

微音上

傳臨黨氏

黨氏魯大夫任姓賈遠

見孟任

黨氏女同

割臂盟公

割其臂以與公盟服虔

圉人犛

圉人掌養馬者犛其名也

同並史記注
三十三

能投盖於稷門

能投千鈞之重過門之上也

同水經注
二十五

酖之

酖鳥一名運日鳥同

成季奔陳

季友內知慶父之情力不能誅故避其難出奔同

史記

注三
十三

閔公

元年 經齊仲孫來

存鄰國之美者莫過於仲孫高子

陸質集傳

經解
七

傳以滅耿滅霍滅魏

三國皆姬姓服虔

史記注
三十九

魏在晉之蒲坂同

元和
郡縣

周志

十二

分之都城

邑有先君之主曰都同

而位以卿

謂將下軍

賈逵

先為之極

言其祿位極盡於此

服虔

為吳太伯

太伯知天命在王季奔吳不反

王肅

猶有令名與其及也

雖去猶可有令名何與其坐而及禍同

卜偃

晉掌卜大夫郭偃賈逵

萬盈數也魏大名也

數從一至萬為滿魏喻巍巍高大也服虔

天啟之矣

以魏賞畢萬是為天開其福同

遇屯之比

震下坎上屯坤下坎上比屯初九變之比賈逵

辛廖

晉大夫同

並史記注
三十九

二年經吉禘於莊公

禘者邁也審禘昭穆遷主邁位孫居王父之處同

朱校

宋本禮記

疏十八

禘王者之大祭也王者既立始祖之廟

又推始祖所自出之帝祀之於始祖之廟而以始祖

配之也

趙集傳

闕疑
十二

傳於渭汭

隊謂汭也

服虔

水經注
十九

汭入也

王注

通鑑音注
八十九

奪卜齎田

卜齎魯大夫賈逵

於武闡

宮中門謂之闡同

間於兩社

兩社者周社亳社也兩社之間朝廷執政之臣所在

同

並史記注

疏誤

宗廟社稷在雉門之外分左右

廂也

宋本

鶴有乘軒者

車有藩曰軒服虔

宋本

齊人使昭伯烝於宣姜

昭伯衛宣公之長庶伋之兄宣姜宣公夫人惠公之

母服虔

詩疏三

之一

魚軒

魚獸名

同詩疏九之三

里克

晉卿李季賈逵

以朝夕視君膳者也

厨膳飲食服虔

有守則從

有代太子守則從同

撫軍

助君撫循軍士同

君與國政之所圖也

國政正卿賈逵

並史記注
三十九

君其舍之

舍之置申生勿使將兵服虔

不對

里克不對同

並御覽百
四十六

教之以軍旅

將下軍賈逵

無懼弗得立

不得立已服虔

公衣之偏衣

偏衣偏袷之衣偏異色駁不純袷在中左右各異故

曰偏衣同

佩之金玦

以金為玦也

同

並史記注
三十九

聞成季之繇

繇抽也抽出吉凶也

同

經典釋
文二

衛文公大布之衣

戴公卒在於此年

詩疏三
之一

古經解鈎沈卷十六